

AGIRI BATERATUA 2016-2017-2018-2019

Nekazaritza Saila
Nekazaritzako Idazkaritza Teknikoko Zerbitzua
Esp. zk: 42-18-20

ERANSKINA

1. artikulua - Xedea

1.1 Foru dekretu honen xedea Arabako Lurralde Historikoaren esparruan nekazari gazteek (emakume zein gizon) enpresak sortzeko laguntzak arautzea da, Euskadiko Landa Garapenerako Programa 2015-2020 egitasmoko “Enpresa eta nekazaritza ustiategien garapena” M06 neurriaren barruan, Europako Parlamentuaren eta Kontseiluaren (EB) 2013ko abenduaren 17ko 1305/2013 Arautegiak, Landa Garapenerako Europako Nekazaritza Funtza (LGENF) bidez landa garapenerako laguntza arautzen duenak, ezarritakoarekin bat etorritz.

1.2.- Foru dekretu honi lehenengo eranskinean jasotako definizioak aplikatuko zaizkio.

2. artikulua. - Helburua

Neurri honen helburuak hauexek dira:

2.1 Nekazari gazteei sarbidea erraztea, nekazaritza sektorean lehen aldiz instalatzeko.

2.2 Sektore horretara pertsona gazteak gehitzea, kualifikazio profesional egokia daukatenak, belaunaldi aldaketa erraztuz eta, hala, sektorearen profesionalizazioa indartuz.

2.3 Nekazari gazteentzako enpresak sortzea erraztea, etekin ekonomiko egokiekin, landa eremuetan aukerak eta enplegua eraginez, landa eremuetan toki garapena sustatzeko.

3. artikulua. – Nekazari gazteen sarbide edo instalazio modalitateak

Pertsona gazte bat nekazaritza ustiategi batean instalatu dela ulertzen da nekazaritza jarduna garatzeko jotzen duenean ustiategira, berau kontrolatuz, beharrezko baliabideak eskuratzeko enpresa plan bat garatuz, nagusiki nekazaria izateko eta ustiapen dimentsio egokia lortzeko dagokion lan bolumena eta nekazaritza errenta aintzat hartuta.

Nekazari gazte batek nekazaritza ustiategi bat eskuratzeko dituen sarbide modalitateak honako hauek dira:

3.1 Ustiategiaren titular bakar gisa sarbidea izatea.



Pertsona gazteak ustiategira sarbidea titular bakar gisa lortzen badu, eta ustiategiko elementuak bereak ez badira, transmisio kontratu baten bitartez (herentzia, erosketa, oinordetza hitzarmena, dohaintza), alokatuz, apartzeriaz edo indarrean dagoen legediarekin bat datorren beste modalitatearen baten bitartez eskuratuko ditu elementuok; ustiategiaren kudeaketaren eta ustiategiaren eskubide eta ondasunen multzoaren erantzukizun zibil eta fiskalera sarbidea ematea ere ahalbidetuko du kasuan kasuko sistemak. Laguntza onartu eta gero, laguntza formalizatzeko dokumentua eskritura publiko bidez emango da (sinaduren legezkotasuna); alokairu bidez egin bada, dagokion gisan jasoko da Eusko Jaurlaritzaren Landa Errentamenduen Erregistro Ofizialean.

3.2 Sarbidean ez bada titular bakarra, honako egoera hauek gerta daitezke:

3.2.1 Ustiategiaren titulartasunkidetasunera sarbidea, betiere honako betekizun hauek aldi berean betetzen badira:

a) Ustiategiaren une horretako titularrak eta sarbidea eskuratu duen edo bertan instalatu den nekazari gazteak ustiategiaren kudeaketaren arrisku eta ardura zibilak, fiskalak eta sozialak partekatuko dituzte, baita ustiapenaren emaitza ekonomikoak eta bertan egin beharreko inbertsioak ere.

Kasu horretan, instalatzen den pertsona gazteak partaidetza maila handiena daukan titulartasunkideak daukan partaidetza mailaren parekoa izan beharko du, gutxienez.

b) Ustiategiaren egungo titularrek lanotan hasiko den gazteari eskualdatu diezaiotela, gutxienez, titularretatik ustiategian parte hartzerik handiena duen pertsonak dituen beste elementuren jabetasuna. Eskualdatutako elementuen erabilerak eta aprobetxamenduak ustiategian bertan integratuta jarraituko dute.

Ondasun higiezinak eskualdatzea dokumentu publiko batean formalizatu beharko da.

3.2.2 Lehenagotik izaera juridikoa daukan elkarte izaeradun entitate bateko bazkide gisa sartzea, nekazaritza ustiategiko titular bat izanik.

Elkarte izaeradun entitate batera satzea eskritura publiko bihurtutako dokumentu bitartez egingo da, edo dagokion lege dokumentu egiaztagirien bitartez.

3.2.3 Izaera juridikoa daukan elkarte izaeradun entitate sortu berri bateko bazkide gisa sartzea, nekazaritza ustiategiko titular bat izanik.

Bi kasuetan instalatuko den pertsona gazteak ustiategiko kontrola izan beharko du, eta entitate juridikoko gobernu organoen edo batzorde arautzailearen parte izan beharko da. Pertsona gazteak, gutxienez, partaidetza maila handiena daukan bazkidearen pareko kapital soziala izan beharko du, edo handiagoa.



3.3. Sarbidea nekazari gazteetako batekin edo batzuekin eginez gero, laguntza eskatuko duten pertsona gazte guztiek banaka bete beharko dituzte nekazari gazteen baldintzak, baita laguntza horretarako ezarritako baldintzak, betekizunak eta konpromisoak ere.

3.4 Sarbidea nekazari ez gazte batekin edo batzuekin eginez gero, orduan sarbidea izan duen nekazari gazteak edo gazteek izango dute ustiategiko benetako kontrola, eta soilik nekazari gazte horiek jaso ahalko dute laguntza.

Laguntza honen ondoreetarako, sozietate zibilak eta ondasunen erkidegoak nortasun juridikodun erakundetzat hartzen dira.

4. artikulua.- Onuradunen betekizunak.

Nekazari gazteak diren pertsona fisikoak izan ahalko dira laguntza honen onuradunak, laguntzarako eskabidearekin batera aurkezten duten enpresa planean instalatuko diren ustiategiak 5. artikuluan ezarritako betekizunak bete beharko ditu, 6. artikuluan ezarritako konpromisoak lortzen badituzte eta jarraian adierazi diren betekizunak betetzen badira:

4.1 Hemezortzi urte beteta izatea eta berrogeita bat urte bete gabe izatea.

4.2 Zerga betebeharrak eta Gizarte Segurantzaren Diruzaintza Nagusiarekikoak egunean izatea.

4.3 Instalazio prozesua onartzea Gaztenek 2020 prozeduran aurreikusitako baldintzen arabera.

4.4 Dekretu honen 7. artikuluan ezarritako betekizunak betetzen dituen enpresa plan bat aurkeztea.

4.5 Hogeita lau (24) hilabeteko epean laguntza eskabidea aurkeztea, nekazaritza ustiategi bateko titular gisa lehen aldiz instalatzen den unetik zenbatzen hasita.

Edonola ere, gainerako hautagarritasun baldintzak edo laguntza eskatzeko baldintzak betetzen dituen pertsonak, baldin eta ustiategi baten titulartasuna lortu badu 0,20 NLUtako neurria gainditu gabe eta laguntza eskaera egin baino 24 hilabete lehenago enpresa plana martxan jarri gabe, laguntza horren onuraduna izan daiteke.

Ustiategiaren neurria zehazteko, Ekonomiaren Garapen eta Lehiakortasuneko sailburuaren 2016ko martxoaren 31ko Aginduan xedatutakoari jarraitu behar zaio, zeinaren bidez ezartzen baitira hainbat laboreren marjina gordinak, nekazaritzako lan unitateak (NLU) zehazteko modulu objektiboak eta Euskal Autonomia Erkidegoko nekazaritza ustiategietako gastu finioen koefizienteak (EHAA, 2016-04-21).

Kasu honetan, ez ustiategiak ez gazte titularrak ez du hobekuntza planetarako edo lehen instalaziorako inongo dirulaguntzarik jasota eduki behar laguntza hau eskatu aurretik, salbu



eta ustiategiak erakunde publikoren batek sustatutako enpresen mintegien esparruan inskribatuta badaude.

4.6 Prestakuntza profesional eta gaikuntza egokia izatea:

Nekazari gazteak gaitasun profesional nahikoa duela ulertuko da kasu hauetakoren bat betetzen bada:

Nekazaritza arloko titulazio akademikoa izatea, gutxienez bigarren zikloko lanbide heziketa mailakoa edo erdi mailako edo goi mailako prestakuntza ziklo bat izatea.

- a) Aurrekoa betetzen ez bada, eskabidearen dataren aurretik nekazaritzaren sektorean besteren kontura lanaldi osoko nekazaritza jardunean bi urte baino gehiagoko esperientzia egiaztatzea. Gizarte Segurantzak emandako agiri baten bidez frogatu beharko da betekizun hori.
- b) Aurreko ataletan ezarritakoa ez bada betetzen, nekazaritza arloan sartzeko ikastaro trinko batean edo nekazaritza arloko etengabeko prestakuntzako ikastaroetan parte hartzea egiaztatzea, gutxienez 150 irakaskuntza orduko iraupendunak, Gaztenek prozeduran jasotako laguntzan zehar egokitzen jotako prestakuntza ibilbidearekin bat etorritik.

Gehienez 36 hilabeteko epea eman ahalko da, laguntzen ebatzenaren datatik, gazteak prestakuntza prozesua buka dezan.

Edonola ere, prestakuntza horrek bat etorri beharko du gazteak aurkeztu beharko duen enpresa plan eta proiektuaren xedearekin, eta Gaztenek 2020 Planaren Balorazio Batzordearen onespena jaso beharko du.

5. artikulua.- Nekazaritza ustiategiaren betekizunak

Nekazari gaztea hartuko duen nekazaritza ustiategiak unitate tekniko ekonomiko bat osatu behar du berez, jarduna ongi garatzeko beharrezko baliabideekin, eta honako betekizun hauek bete beharko ditu.

5.1 Arabako Lurralde Historikoan kokatuta egotea eta bertako nekazaritza ustiategien erregistroan izena emanda izatea.

5.2 Gutxienez 16.000,00 euro/urteko ekoizpen estandarraren potentziala izatea.

5.3 Enpresa planean gutxienez 9.600,00 euroko marjina garbia aurreikustea instalatuko den gazte bakoitzeko.



5.4 Enpresa mikro eta txikien irizpideen arabera onargarritzat jotzen den gehienezko dimentsioa izatea; ETE eta mikroenpresen definiziora egokitu beharko da.

Instalatzeko laguntza lortze aldera, gazteak enpresak sortzeko aurkeztuko duen enpresa planean ezarritako epean lortu beharko dira aurreko bigarren, hirugarren eta laugarren ataletan ezarritako betekizunak, eta epea ezingo da bost urte baino gehiagokoa izan, betiere laguntza emateko ebazpenaren datatik aurrera zenbatzen hasita.

Nekazari gaztea instalatuko den nekazaritza ustiategiak ezin du izan aurreko beste ustiategi bat banatzearen emaitza, biak aldi berean existituz, ustiategi zaharreko titularrak gaztearekin familia harremana baldin badauka odolkidetasunagatik edo lehen mailako loturagatik, edo ezkontidea baldin bada, titular horrek nekazaritza edo abeltzaintza jarduna bertan behera uzten badu salbu. Halaber, gaztearen ustiategiak ez du edukiko ez lursailik ez abererik, baldin eta aurreko paragrafoan azaldutako gaztearekiko ahaidetasun maila duten titularren ustiategietan egom badira dirulaguntza eskatu aurreko azken 5 urteetan.

6. artikulua – Pertsona onuradunaren konpromiso eta betebeharrak.

6.1 Ustiategi batean instalatuko den pertsona gazteak, Gaztenek 2020 prozeduran jasotako mailaka sartzeko kontzeptuaren arabera, honako konpromiso hauek hartuko ditu:

6.1.1. Gaztenek 2020 prozeduraren arabera, laguntza emateko ebazpena ematen denetik hasita 9 hilabeteko epean, gehienez ere, enpresa plana abian jartzea. Abiatze hura egiaztatu beharko da prozedura horretan jasotzen den gaztearen tutorearen egiaztagiraren bidez.

6.1.2 Enpresa plana bertan adierazitako epean gauzatzea; epe hori gehienez bost urtekoa izango da, laguntza emateko ebazpenaren datatik zenbatzen hasita. Epe hori gainditzen duten luzapenak ez dira onargarriak izango.

6.1.3 Nekazari aktiboaren definiziora egokitzea, laguntza emateko ebazpenaren datatik hasita hurrengo hemezortzi hilabeteetan.

6.1.4 Bosgarren artikuluan eskatutako baldintzak bilduko dituen nekazaritza ustiategi batean instalatzea, dekretu honetako hirugarren artikuluan deskribatutako edozein sarbide modalitatearen bitartez.

6.1.5 Ustiategiaren benetako kontrola izatea, instalazioaren edozein modalitateetan, hirugarren artikuluan ezarritakoaren arabera.

6.1.6 Instalatzen den ustiategian nekazaritza jarduna gauzatzea, gutxienez bost urtez, laguntzaren azken ordainketatik, instalatzerakoan zeuden baldintza berberetan. Konpromiso hori Arabako Foru Aldundiak egiaztatuko du.



Nekazari gaztea hartu duen ustiategiaren titulartasuna aldatuz gero, edo ustiategia besteren batekin batzen bada, behar bezala argudiatutako kausak direla medio, eta Nekazaritza Saileko titularraren foru aginduaren bitartez alde zuzenetik baimena eman gero, orduan laguntzaren onuradunak ustiategi berean jarraitu beharko du, edo batuz gero, sortuko den ustiategian hasi beharko du, enpresa batera sartu edo enpresa bat sortu duen nekazari gazte gisa laguntzaren onuradun izateagatik hartutako konpromisoak betetzen jarraituz. Era berean, nekazari gaztearen sarrera dela eta, titular berriak aurreko titularrak bereganatu eta betetzeke zituen konpromisoak bereganatuko ditu. Eginkizun hori berariaz jakinaraziko da estatutuetan edo legez jasotako dagokion agirian. Pertsona fisikoa bada, konpromiso aitortzen bidez jasoko da.

6.2 Enpresa plana gauzatzeko epea edo bertan ezarritako instalazio fasea bukatzerakoan, eta azken ordainketa egin aurretik, pertsona gazte onuradunak honako hau bete duela edo betetzen duela egiaztatzeko beharrezko dokumentazioa aurkeztu beharko du:

6.2.1 Ustiategia behar bezala erregistratuta egotea Arabako Lurralde Historikoko Nekazaritzako Ustiategien Erregistroan.

6.2.2 Egiten duen nekazaritza jarduerari dagozkion zerga erroldetan altan egotea.

6.2.3 Ustiategiak gutxienez 16.000,00 euro/urteko ekoizpen estandarren dimentsioa lortu duela egiaztatzea.

6.2.4 Ustiategiak instalatu den gazte bakoitzeko gutxienez 9.600,00 euroko marjina garbiaren dimentsioa lortu duela egiaztatzea. Edonola ere, zuzeko laboreak (fruta arbolak, mahatsondoak eta olibondoak) lantzen dituzten ustiategiei loturiko enpresa planetarako, eskatzen den marjina garbiak instalatu eta 5 urteei dagozkien labore horien marjina estandarrak bete beharko ditu.

6.2.5 Nagusiki nekazaria izatea.

6.2.6 Gizarte Segurantzaren Langile Autonomoen Erregimenean altan egotea, egiten duen nekazaritza jardueran.

6.2.7 Zerga betebeharrak eta Gizarte Segurantzaren Diruzaintza Nagusiarekikoak egunean izatea.

6.2.8 Ustiategian hasierako NLU bati dagokion lan bolumena sortzea, honako zehaztasun hauekin:

- Gaztea ustiategian titular bakarra bada, eta hasierako NLU bateko lan bolumena edo handiagoa lortzen badu, ez du besterik sortu beharko.
- Gaztea lehendik dagoen ustiategi elkartu batean sartzen bada bertako bazkide langile bat edo soldatapeko langile bat ordezkatzeko, eta ustiategiak ordurako bazkide/langile kopurua



baino lan bolumen (lehen sektoreko NLUak) handiagoa badu, ez du nahitaez NLUrik sortu beharko. Ordezgutako bazkide langileak edo soldatapeko langileak gutxienez 2 urte eginak izan behar ditu jarraian ustiatze lanean, laguntza eskatu aurretik.

-Gaztea figura juridiko berriren bat hartu duen ustiatze batean kokatzen bada, eta hura titulartasun aldaketa batetik eratorria bada, eta ez ustiatze berri baten sorreratik, orduan gaztearen sarrera ustiatze elkartu batean sartzen den gaztearen kasuaren antzekoa izango da.

- Gaztea lehendik dagoen ustiatze elkartu batera sartzen bada akziodun baino ez den bazkide baten ordeztu, lehen sektoreko NLU bat sortu beharko du.

- Gaztea lehendik dagoen ustiatze elkartu batera sartzen bada eta bazkide kopurua gehitzen badu, hasierako NLU bat sortu beharko du.

-Gaztea era juridiko berria hartu duen ustiatze batean kokatzen bada, eta bertan bazkide gisa ageri bada lehendik dagoen beste ustiatze bateko titularra edo bazkidea, beste ustiatze hori desagertu zein ez, eta beste ustiatze horren ekoizpen baliabide guztiak edo horietako batzuk jartzen baditu, sartzen den gazteak NLU bat jarri beharko du ustiatze berrirako, desagertzen den edo hondarrekota den ustiatzeetik ez datozen baliabideekin.

6.2.9 Sortuko den edo instalatuko den ustiatze enpresa mikro eta enpresa txikien irizpideen arabera onargarriztat jotzen den gehienezko dimentsioa izatea; ETE eta mikroenpresen definiziora egokitu beharko da.

6.2.10 Kontabilitate liburu edo koaderno bat izatea, eguneratuta. Horrek ustiatze gasteak eta sarrerak kontrolatzeko aukera emango du, instalatzeko prozesua hasten den unetik laguntza honetan aurreikusitako nahitaezko egonaldi aldia bukatu arte, gutxienez.

6.2.11 Ustiatze ekoizpenerako erabilitako ekipamenduen, ondasunen, lursailen, eraikinen, instalazioen eta makineriaren inbentario bat izatea, elementuak ongi identifikatuz, jabetza araubidea eta balorazioa zehaztuz. Urtero eguneratu beharko da, instalatzeko prozesua hasten den unetik laguntza honetan aurreikusitako nahitaezko egonaldi aldia bukatu arte, gutxienez.

7. artikulua.- Enpresa plana.

Foru dekretu honetan araututako laguntza jaso ahal izateko pertsona gazte eskatzaileak enpresa plan bat aurkeztu beharko du, Gaztenek 2020 prozeduran aurreikusitako baldintzetan, honako gutxieneko betekizun hauekin:

7.1 Instalatuko den ustiatzearen eta pertsonaren hasierako egoera ekonomikoa



Horri dagokionez, fitxa bat ezarriko da, eta bertan adieraziko dira ustiategiko elementuak, lursailak, eraikinak, instalazioak, makineria, eskubideak, etab. Horietako bakoitza identifikatuko da, bakoitzaren dimentsioak, balorazioa eta jabetza araubidea zehaztuz.

Izanez gero, bazkideak eta bazkide bakoitzak ustiategian duen partaidetza ehunekoak eta kapital soziala identifikatuko dira.

Pertsona gaztea hasten den unean ustiategiak dituen NLUak zehaztuko dira.

7.2 Nekazaritza ustiategiaren edo instalatuko den pertsonaren jarduera berrien garapenerako faseak eta helburuak.

7.3 Nekazaritza ustiategiko jarduerak garatzeko beharrezko jarduketan xehetasunak, ingurumen iraunkortasunari eta baliabideen eraginkortasunari lotutakoak barne, esaterako inbertsioak, prestakuntza edota aholkularitza.

7.4 Hala badagokio, instalatutako gazteari edo sustatzaileari dagokion eskulanaz gain, sortuko den enplegu osagarria.

7.5 Azterketa ekonomiko bat, ustiategiaren errentagarritasuna aztertzeke; bideragarria izan beharko da, 6.2.3 artikulutik 6.2.5 artikulura artean (biak barne) eta 6.2.8 artikuluan ezarritako indizeen arabera. Emaitzen kontuan sarrera guztiak (primak barne) eta gastu guztiak (amortizazioak, soldatak, finantza gastuak, etab.) aurreikusiko dira, behar bezala zehaztuta.

7.5 Sortuko den lanaren bolumena, 6.2.8 artikuluan adierazitakoa betez.

7.6 Proiektuen balorazio irizpideen betetze mailaren deskribapena.

Azterketa ekonomikoa egiteko aurreikuspen teorikoak oinarritzat hartu ahalko dira; ekoizpenen marjina gordinak eta marjina garbiak, eta ustiategiko NLU teorikoak kalkulatu ahalko dira, 2013ko ekainaren 18ko Aginduaren eta 2013ko azaroaren 29ko Aginduaren arabera, biak Eusko Jaurlaritzako Ekonomiaren Garapen eta Lehiakortasun Sailarenak, edo laguntza eskatzeko unean aplikagarria den araudiari dagokiona.

8. artikulua – Enpresa plana aldatzea.

8.1 Arrazoi justifikatuen ondorioz laguntzaren onuradunak enpresa planean aldaketa nabarmenak egitea beharrezkotzat jotzen badu, aldaketa egin baino lehen horretarako eskabidea aurkeztu beharko du, Arabako Foru Aldundiko laguntzaren organo instruktore eskudunari bideratutakoa. Eragile horrek Gaztenek 2020 Balorazio Batzordeari jakinaraziko dio.



8.2 Aldaketak argudiatuta egon beharko du, eta aldatuko den planean jasotako konpromiso berberak bermatu beharko ditu gutxienez. Horrez gain, Gaztenek 2020 Balorazio Batzordearen aldeko txostenaren eta foru organo eskudunaren ondorengo onespeneren mende egongo da.

8.3 Proposatutako aldaketa onartzen bada, berriro kalkulatu da hasieran emandako laguntza eta doitu bidezko proposamen eta ebazpenaren bidez; laguntza berri hori ezin izango da hasieran emandakoa baino handiagoa izan.

8.4 Laguntza berriz kalkulatzek hasieran emandako laguntza baino zenbateko txikiagoa baldin badakar, dagokion proposamen eta ebazpena emango da laguntza gutxitzeko eta, hala badagokio, egindako lehenengo ordainketan ordaindutako gehiegizko zatiari dagokiona itzultzea eskatzeko.

9. artikulua - Gaztenek 2020 prozedura.

9.1 Nekazaritza ustiategi batean lehen aldiz instalatu nahi duen pertsona gazte bati laguntzeko Euskal Autonomia Erkidegoan ezarritako eredia da Gaztenek 2020 prozedura, nekazaritza ustiategi batean pixkanaka sartzeko tutoretza lana egite aldera.

9.2 Gaztenek 2020 prozesua Gaztenek 2020 balorazio batzorde batek arautuko du, eta honako hauek eratuko dute:

- Arabako Foru Aldundiko Nekazaritza Garapenerako Zerbitzuko burutza; kalitatezko bozka izango du.
- Laguntzen teknikari bat, Arabako Foru Aldundiko Nekazaritza Garapenerako Zerbitzuko.
- Hazi Fundazioko teknikari bat.
- EAEn aitortutako nekazaritza arloko aholkularitza zentro bateko teknikari bat, edo beste pertsona bat, gaitasun nahikoa izango duena eta pertsona gazteari enpresa plana idazten lagundu diona.

9.3 Gaztenek 2020 prozedurak honako metodologia hau izango du:

9.3.1 Eskabideen kudeaketa eta publizitatea

Laguntza hau jasotzeko interesa agertu duen pertsona gazteak bai neurriaren, bai Gaztenek programaren, bai kasuan kasuko laguntzaren konpromisoei eta betekizunei buruzko informazioa jasoko du.

Ondoren, elkarrizketa bat egingo da helburuak eta eskuragarritasuna ezagutzeko. Elkarrizketa egin eta gero lehen instalazioaren helburua betetzen duela ulertzen bada, orduan programaren inskripzioa formalizatuko da, eta Arabako Foru Aldundiko laguntza kudeatzeko erakundera igorriko da, jakin dezan. Inskripzio hori inolaz ere ez da izango nekazari gazteek enpresa bat sortzeko laguntza eskaera bat.



Ondoren, monitore baten laguntzarekin, gazteak enpresa plana idatziko du, eta gazte nekazariak enpresak sortzeko laguntza eskabidearekin batera aurkeztuko du (Aldundiak egiten du laguntza horien deialdia). Gaztenek 2020 prozeduran ezarritako baldintzak onartu beharko ditu.

9.3.2 Gaztenek 2020 Balorazio Batzordearen lehenengo bilera

Gaztenek 2020 Balorazio Batzordeak lehenengo bileran pertsona eskatzaileak laguntzak arautzeko oinarrietan eskatutako onargarritasun irizpideak betetzen dituen egiaztatuko du.

Horretarako, eskatzailearen adina eta laguntza eskatu baino lehen nekazaritza ustiategi bateko titular gisa ez agertzea egiaztatuko ditu, 4.6 artikuluan ezarritakoari erreparatuz.

Ondoren, aurkeztutako enpresa plana aztertu eta baloratuko du, baita gaitasun profesionala ere. Kasuistika hau eman daiteke:

9.3.2.1 Enpresa planaren bideragarritasunaren eta hura bereganatzeko gaztearen gaitasun profesionalaren aldeko kalifikazioa: Instalazio proiektua aztertu eta jakinarazi egiten da, Arabako Foru Aldundiko organo eskudunak laguntza emateko ebazpenaren proposamena egiteko.

9.3.2.2 Enpresa planak eta/edo pertsona gazte eskatzailearen gaitasunak aurkako kalifikazioa jasotzea:

- Enpresa plana bideragarria ez bada, ez badago nahikoa definituta edo beharrezko hobekuntzak ikusten badira, Gaztenek 2020 Balorazio Batzordearen txostena aurkakoa izango da. Hala ere, gazteari laguntza prozesu bat hasteko proposamena egin ahalko zaio, tutore baten parte hartzearekin; tutoreak gazteari lagunduko dio gairen bat berriz hobeto definitzeko, ondoren berriz aurkeztu eta beste kalifikazio bat lortze aldera.

Gazteak nekazari gazteek enpresak sortzeko laguntza eskabidea dagoeneko aurkeztu badu, eta enpresa plan birdefinitu eta zuzendua deialdi honetan ez aurkeztea erabaki badu, orduan eskabidean atzera egin duela ulertuko da, eta beste eskabide bat aurkeztu beharko du hurrengo deialdian; hurrengo deialdi horretako betekizunak bete beharko ditu.

-Gaztearen gaitasun profesionala ez bada egiaztatzen arlo horretako onargarritasun baldintzen arabera, orduan eskatzaileak gehienez 36 hileko epea izango du, laguntza emateko ebazpenaren datatik zenbatzen hasita.

-Nolanahi ere, Gaztenek 2020 Balorazio Batzordeak eskaeraren aurkako txostena berretsi ahalko du.



9.3.3 Nekazari gazteek enpresak sortzeko eskabideari beharrezko kontrolak egin ondoren, Gaztenek 2020 Balorazio Batzordeak honako hau egingo du:

- Eskabideari puntuazio jakin bat emango dio, laguntza arautzeko oinarri hauen 10. artikuluan ezarritako puntuazio irizpideen arabera.
- Laguntzaren zenbatekoa kalkulatu du, lortutako puntuazioaren arabera, oinarri hauen 11. artikuluan ezarritako tarreak aplikatuz.
- Pertsona gazteari enpresa plana abiarazteko eta garatzeko prozesuan laguntza eta aholkularitza eskainiko dizkion tutorea izendatzea. Gaztenek 2020 Balorazio Batzordeak, enpresa planaren ezaugarrien arabera, proiektuko aholkularitza aurreikusteko gutxieneko baldintzak finkatuko ditu (orduak, bisitak, txostenak, etab.).

9.3.4 Laguntzaren ebazpena

Arabako Foru Aldundiak ebatziko ditu aurkeztutako eta ebaluatutako eskabideen espedienteak, foru organo eskumendunaren bitartez, lehia araubidean eta 17. artikuluan ezarritakoarekin bat etorriz; eskatu ondoren, laguntzaren lehenengo zatia ordainduko da.

9.3.5 Gaztenek 2020 Balorazio Batzordearen bigarren bilera eta azken txostena.

Tutoreak, instalazio fasea bukatu ondoren, txosten bat eman beharko du; bertan, instalazio prozesuaren bilakaera azaldu beharko du, eta proiektuak deialdiaren oinarrietan ezarritako konpromiso eta betekizunak lortu dituela egiaztatu beharko da, baita enpresa planaren konpromisoak ere.

Kasuan kasuko tutoreak laguntzaren onuradun bakoitzeko aurkeztutako txostenak aztertu eta ebaluatuko ditu Gaztenek 2020 Balorazio Batzordeak; konpromisoak bete direla egiaztatzeko beharrezko dokumentazio oro aurkeztu ahal izateko entzunaldia eskainiko da, enpresa planean ezarritako epearen arabera.

Txostenak eta gainerako dokumentazioa ikusita, hasieran lortutako puntuazioa berriz kalkulatu da, benetan garatutakoa edo justifikatutako gastuak aintzat hartuz. Beharrezkoa izanez gero, laguntzaren zenbateko osoa moldatuko da. Laguntza ez da areagotuko, hasieran aurreikusitako gastuak baino gastu handiagoak justifikatu izanagatik.

Gaztenek 2020 Balorazio Batzordeak aldeko txostena ematen badu, Arabako Foru Aldundiak gainerako laguntzaren zenbatekoa ordaintzeko agindua emateari ekingo dio, 18. artikuluan ezarritako prozeduraren arabera.

Laguntza berriz kalkulatzekoan, lortutako puntuazio berriak hasieran emandako zenbatekoa baino txikiagoa ematen badu, orduan onuradunak itzuli egin beharko du lehenengo ordainketak jasotakoaren aldea.



Gaztenek 2020 Balorazio Batzordeak aurkako txostena ematen badu, orduan Arabako Foru Aldundiak ukatu egingo du laguntzaren gainerako zenbatekoa eta gazte onuradunari aurretik kobratutako laguntzaren zenbatekoak erabat itzultzeko eskatuko dio.

10. artikulua. – Espedienteak aukeratzeko irizpideak.

10.1 Laguntza emate aldera espedienteak aukeratzeko irizpideak urteko deialdi bakoitzean finkatuko dira puntuka, aintzat hartuz enpresa planean egin beharreko inbertsio eta gastuak, ustiategian pertsona gazteak zenbait ekoizpen eredu jakin aplikatzea, edota sektorearekin eta elkartegintzarekin alde aurretik lotura izatea.

Honako irizpide hauek hartuko dira kontuan:

- a) Enpresa planean aurreikusitako inbertsioak eta gastuak, ezin direnak diruz lagundu landa garapenerako planaren M04.1 neurriaren eta M04.2 neurriaren bidez (lurrak erosi, eskubideak erosi, abereak erosi, lurrak alokatu...): 1 eta 14 puntu bitartean.

Gastu baremagarriak laguntzarako eskaera aurkezten den egunetik aurrera bereganatutakoak edo egindakoak izango dira.

Enpresa plan berbera partekatzen duten pertsona batek baino gehiagok sustatutako proiektu kolektiboen kasuan, zenbateko baremagarriak eta puntuen esleipenak planean aurreikusitakoari jarraiki lanean hasiko den pertsona gazte bakoitzaren arabera izango dira. Hau da, ateratzen dena zatitzetik irizpide honen arabera jasotako eta enpresa planean aurreikusitako diru sarrera bolumena eta gazte partaide kopurua, bakoitzak proiektuan duen partaidetza portzentaiaren arabera. Gainerako irizpideetarako, puntuak sartzen den gazte bakoitzari aplikatuko zaizkio osorik.

Inbertsio/gastuaren gutxieneko zenbateko baremagarria 20.000,00 euro izango da, eta gehienekoa 100.000,00 euro, planeko guztirako inbertsioa, gastu baremagarrietan handiagoa izan arren.

Puntuen esleipena gastu baremagarrien bolumenaren arabera izango da, eta honen arabera esleituko dira:

- 20.000,00 eurotan edo gutxiagotan baloratutako inbertsioei zero puntu emango zaie.
- 20.000,00 euro baino gehiagotik 100.000,00 eurora bitarteko (zenbateko hori barne) inbertsioen kasuan, eman beharreko puntuen kalkulua egiteko baloratutako zenbatekoari 20.000 euro kendu eta emaitza bider 0,000175 egin beharko da.



Emaitza zenbaki dezimala bada, zenbaki oso batera biribilduko da. Bi hamarren hartuko dira kontuan.

- 100.000,00 eurotan edo zenbateko handiagoan baloratutako inbertsioei 14 puntu emango zaizkie
- b) Titulartasun partekatuko ustiategi batean sartzea, edo sartzen den gaztea emakumea bada: baldintza horiek betetzen baditu 2 puntu emango zaizkio, bestela ez zaio punturik emango
- c) 39 urte baino gehiagoko eskatzaileak. Baldintza hori betetzen badu 2 puntu emango zaizkio, bestela ez zaio punturik emango
- d) Gizartze Segurantzaren soilik nekazaritza jardueragatik kotizatzen duten eskatzaileak. Baldintza hori betetzen badu 2 puntu emango zaizkio, bestela ez zaio punturik emango.
- e) Ekoizpen ereduak: Ustiategian zenbait ekoizpen eredu zehatz bereganatzea puntuatuko da, gutxienez lehen sektoreko 0,5 NLUen pareko neurrian. Kontzeptu horren ondoriozko gehieneko balioak 10 puntukoak eta NLU batekoak izango dira (5 eta 10 puntu artean, eredu horietakoren bat erabiliz gero, eta gehienez bi metatu ahal izango dira).

Honako ekoizpen eredu hauek lehenetsiko dira:

Ekoizpen ekologiko egiaztatua. (gutxienez 0,5 NLU)

Ekoizpen integratua. (gutxienez 0,5 NLU)

Nekazaritza ekoizpena, ustiategian transformatzekoa (gutxienez ekoizpenaren % 50), gutxienez 0,5 NLUkoa bazkide bakoitzeko.

Nekazaritza ekoizpena, zirkuitu laburren bitartez merkaturatzekoa (gutxienez ekoizpenaren ehuneko 50), gutxienez 0,5 NLUkoa bazkide bakoitzeko.

Laborantza estentsiboko ekoizpena, ureztatze sisteman (gutxienez 5 hektarea).

- f) Aldez aurretik sektorearekin lotura izatea: aldez aurretik sektorearekin loturarik ez izatea, hau da, titular berria izatea edo ustiategiaren titulartasuna bereganatuko duen gazteak aurreko titularrarekin lehen edo bigarren mailako ahaidetasunik ez izatea.

Kasu hori gertatzen denean, enpresa planean adieraziko da, eta 5 puntu emango zaizkio.

- g) Elkarteak: enpresa proiektu berri bat elkarte gisa haien gain hartzea sektorean lehen aldiz jardungo duten gazte batek baino gehiagok; gehienezko muga 2 NLUkoa izango da. Egoera hori enpresa planean jasotzen bada, proiektuari gehienez 10 puntu emango zaizkio.



<u>NLU</u>	<u>PUNTUAK</u>
1-<2	5
≥2	10

10.2 Pertsona batek baino gehiagok sustatutako proiektuen kasuetan, jarduerari ekingo dion pertsona bakoitzari “a” irizpideari dagokionez esleitutako puntuazioa lortzeko irizpide horretan jasotako eta enpresa planean aurreikusitako inbertsioen bolumena zatitu egingo da proiektuan parte hartuko duten pertsona gazteen kopuruaren artean. Gainerakoa osotasunean hartuko da.

10.3 Aukeraketa irizpide horietako bakoitzari puntuazio bat emango zaio; hala, eskabide orok guztirako puntuazio jakin bat izango du, betetzen duen aukeraketa irizpide bakoitzari dagozkion puntuak batuz lortutakoa.

10.4 Irizpide bakoitzeko puntuazioa Balorazio Batzordeak egingo duen lehenengo bileran zehaztuko da, enpresa planean aurreikusitakoaren arabera, Gaztenek 2020 prozedurari jarraiki.

10.5 Enpresa plan batek gehienez lor dezakeen puntuazioa 45 puntukoa izango da.

10.6 Puntuazio altuena lortu duten proiektuek lehentasuna izango dute puntuazio gutxiagokoei dagokienez. Puntu berdinketa izanez gero, lehenik eta behin nekazari emakumeek sustatutako proiektuak lehenetsiko dira, eta, bigarrenik, adin txikiagoko titularrek sustatutakoak, adin gehiagokoen aldean. Espediente batzuen arteko berdinketa suertatzen bada, zozketa bidez ebatziko da.

11. artikulua.- Laguntzaren zenbatekoa.

11.1 Laguntza prima bakarraren bitartez emango da, eta 20.000,00 euroko gutxieneko modulu batetik abiatuko da diruz lagungarria den eta hautagarritasun baldintzak betetzen dituen edozein onuradunentzat.

11.2 Zenbateko horretatik abiatuta, laguntza areagotu ahalko da, lortutako puntuazio zenbatekoen tarteen arabera, aukeraketa irizpideen balorazioan enpresa planei esleitutakoaren arabera, gehienez 70.000,00 euroko dirulaguntza jaso arte.

11.3 Nekazari batek baino gehiagok sustatutako proiektuen kasuan, zenbateko hori onuradun bakoitzari emango zaio.

11.4 Espedienteak aukeratzeko 10. artikuluan ezarritako irizpideak aplikatuz lortutako puntuazioaren arabera emango dira laguntzaren zenbatekoak, honi jarraiki:

- 0 puntu: 20.000,00 €
- 1-40 puntu bitartean, 20.000,00 euroei 1.000,00 euro gehituko zaie lortutako puntu bakoitzeko.



- > 40 punturaino: 70.000,00 euro, kasu guztietarako.

12. artikulua.- Baremazio xede diren gastuak puntuatzeko.

Gutxieneko laguntzaren gehikuntza lortzeko puntuatzen diren gastuak eta inbertsioak, aurreko artikuluan aurreikusita, hauek izango dira:

- Lurren eskuraketa, ustiategiaren partaidetzaren ehunekoaren arabera.
- Ustiategian garatu beharreko ekoizpen jarduerari loturiko eskubideak eskuratzea.
- Lehenengo instalazioaren ondoriozko notario eta erregistro gastuak.
- Lehenengo ekitaldiko kanpainako mailegu baten finantza kostua.
- Lehenengo instalaziorako maileguen abalen kostua.
- Elkarre baten kapital sozialari egindako ekarpena. Kapital sozialaren nahitaezko zatiaren ekarpena bakarrik izango da baremagarria.
- Elkarre batean sartzeko kuota.
- Familia ustiategiaren jaraunskideei, egonez gero, jaraunspen eskubideak ordaintzea.
- Animalia ugaltzaile mota bakoitza ustiategian sartzen den lehen aldia, instalazioaren aldiko lehen hiru urteetan.
- Nekazaritzako jarduerari ekiteko prestakuntza ikastaroen gastuak.
- Gaztea erreleboz sartzen den ustiategitik datozen bigarren eskuko makina edo ekipoak erostea, baldin eta makina edo ekipo horiek hamar urte baino gehiago ez badaukate eta azken hamar urtean ez badute diru laguntza publikorik jaso. Makina horiek Nekazaritzako Makinen Erregistro Ofizialean inskribatu behar dira
- Erabilia dauden eta 150 m² erabilgarri baino gehiagoko oinplanoa daukaten eraikin erabiliak eskuratzea, egin nahi den jardueraren lizentziarekin, eta diru laguntzarik jaso ez badute. Eraikin horiek ez dute laguntzarik jasoko 04.1. neurrian azaltzen diren inbertsioengatik, beraiek eskuratzen diren urtearen ondoko lehen bost urteetan.
- Egin nahi den jarduerarako lizentzia egokia duten eta oinplanoko 150 m² erabilgarri baino gehiago daukaten eraikinak errentatzea, gehienez hiru urtez.

Aintzat hartu ahal izango dira 150 m²-tik gorako azalera erabilgarria duten biltegiak, nahiz eta bi solairukoak izan, baldin eta makina autopropulsatuak sar badaitezke bi solairu horietara.



- Enpresa planean aipatzen den lurren errentamenduaren kostua, gehienez hiru urteko epean. “Aragoiko, Nafarroako eta EAeko Nekazaritzako Goi Ingeniarien Elkargoak” zehazten dituen inbertsioen balorazio moduluen arabera egingo da balorazio hau.
- Nekazaritza Sailak gaztearen lehenengo instalaziorako beharrezkotzat eta egokitza jotzen dituen beste guztiak.

13. artikulua.- Baremagarritzat jo ezin daitezkeen gastu eta inbertsioak.

Ondoko hauek ez dira izango 11. artikuluan ezarritako gutxieneko laguntzaren gehikuntza eskuratzeko barematu ahal diren inbertsioak:

- Euskal Autonomia Erkidegoko 2015-2020ko Landa Garapenerako Programaren M04.1 neurrian (Nekazaritzako ustiategietan inbertsioak egiteko laguntzak) eta M04.2 neurrian (Nekazaritzako produktuak transformatzeko, merkaturatzeko edo garatzeko inbertsioetarako laguntzak) laguntzak jaso ahal dituzten eta enpresa planean aurreikusita dauden inbertsioen gastuak.
- Zuzenean ekoizpenari esleitu ahal zaion kapital zirkulatzailatzat jo ahal diren ekoizpen materialeko erosketak.
- Mahastietarako erabiltzen diren finkak egokitzea eta landatzea, araudi zehatzaren bidez eraenduko direnak.
- Nekazaritzakoak ez diren erabileretarako konpartitzen diren edo konpartitu ahal diren garraiorako ibilgailuetako inbertsioak.
- Zeharkako zergak (BEZ).
- Lehen graduko ezkontide eta senideen arteko erosketen eta errentatzeen ondorioz egiten diren eskualdaketak, elkarteen ustiategien eta beraien bazkideen artean egiten direnak, ezta bizikidetzaren unitate bereko kideen artean egiten direnak ere.

14. artikulua.- Kostuak merkatzea.

14.1 Gastu eta inbertsio baremagarri horiek baloratzeko, EAeko batez besteko prezio ofizial estatistikoak hartuko dira erreferentzia gisa, baldin eta EAek ezarrita badauzka. Ezarrita ez badauzka, eta ahal den neurrian, kontuan hartuko dira merkatuko kostuen kalkularen prezio ofizialak edo 4.1 neurriko moduluak, baita gehienezko inbertsioaren mugak, zeinak hemen ezarrita eta argitaratuta baitaude:

http://www.euskadi.eus/contenidos/informacion/osoa_dokumentazioa/es_def/Modulos_noviembre2018.pdf



Udal tasen eta erakunde horien menpe dauden beste gastu baremagarrien kasuan, erakunde horiek ezartzen dutena bete beharko da.

Notariotza eta erregistro gastuetarako, erakunde horiek zehazten dutena bate beharko da.

14.2 Baldin eta ez badago ezarrita modulurik inbertsio baremagarriren baterako, erreferentziatzen hartuko da laguntzaren organo kudeatzaileak berariaz zehazten duen komusioak ezarritakoa, bestela merkatuko balioa.

14.3 Aurkeztutako inbertsioaren edo gastuaren aurrekontua ezarritako moduluarena baino txikiagoa denean edo inbertsioaren gastu onargarriaren gehieneko muga (balego) baino txikiagoa denean, haietatik txikiena onartuko da.

15. artikulua.- Laguntza eskabideak aurkezteko epea, modua eta lekua.

15.1 Urtero, laguntzen deialdi egokia onartuko da, eta deialdi horren barruan hauek agertuko dira:

- Eskabideak aurkezteko epea, modua eta lekua.
- Deialdia ebazteko erreserbatzen diren kredituak.
- Laguntzak emateko irizpideak.
- Dirulaguntzaren zenbatekoa.

15.2 Eskabideak inprimakin normalizatu batean aurkeztu behar dira, II. eranskinean zehazten den dokumentazioarekin. Deialdi bakoitzeko eskabide bakarra egin daiteke.

15.3 Eskabideetan akatsik dagoela edo daturik falta dela antzematen bada, organo instruktoreak, hala badagokio, interesa dutenei eskatuko die eskabidean galdatutako betekizunen gaineko akatsak zuzendu ditzatela edo eskatutako dokumentuak bidal ditzatela, 10 egun balioduneko epean, jakinarazpena jasotzen den egunaren hurrengotik zenbatzen hasita, larunbatak kontuan hartu gabe. Jakinarazpen horretan berariaz adieraziko da, eskatutakoa bete ezean, eskabidea ezetsi egingo dela, Administrazio publikoen administrazio prozedura erkidearen urriaren 1eko 39/2015 Legeak 68. artikulua xedatutakoari jarraituz.

15.4 Laguntza eskaera eginez gero, organo kudeatzaileari baimena ematen zaio Gizarte Segurantzaren Diruzaintza Orokorrak, Arabako Foru Aldundiko Ogasun, Finantza eta Aurrekontu Sailak, eta Euskal Autonomia Erkidegoaren erakunde ordaintzaileak eman behar dituzten ziurtagiriak eskuratzeko, baita Araba Lurralde Historikoko nekazaritza ustiatzietako, mahastietako, makineriako eta abeltzaintzako erregistro ofizialetakoak ere, dena espedientea izapidetzeko xedearekin.

15.5 Eskabidea aurkezteak esan nahi du Gaztenek 2020 Planean ezarritako baldintzak eta laguntza arautzen duten oinarrietan ezarritako betebeharrak eta konpromisoak onartzen direla.



16. artikulua.- Izapidetzea.

16.1 Eskabideak aurkezteko epea amaitutakoan, espedienteak Arabako Foru Aldundiko Nekazaritza Sailaren Nekazaritza Garapenerako Zerbitzuak instruituko ditu.

16.2 Eskabidea behar bezala bete dutenen eskabide egileen espedienteak Gaztenek 2020 Balorazio Batzordeak analizatu, baloratu eta puntuazioarekin kalifikatuko ditu, 9. artikuluan ezarritako prozeduraren arabera, eta kontrol egokiak betez.

16.3 Espedienteak instruitzen den bitartean, laguntzaren organo kudeatzaileak behar dituen argibide eta agiri gehigarriak eskatu ahalko ditu, ebazpen proposamena egiteko xedearekin beharrezko diren datuak zehaztu eta egiaztatzeko. Interesdunak ez badu ezer egiten izapide hau betetzeko, Administrazio publikoen administrazio prozedura erkidearen urriaren 1eko 39/2015 Legeak 73. artikuluan xedatutakoa beteko da.

16.4 Foru dekretu honetan ezarritako laguntzaren emakida norgehiagokaren araubidean izapidetuko da, oinarri hauetan ezarritako balorazio irizpideekin bat etorritz.

16.5 Espedienteak analizatutakoan eta Gaztenek 2020 Balorazio Batzordeak bere txostena egindakoan, Arabako Foru Aldundiko kide anitzeko organoak txosten bat emango du, egindako ebaluazioaren emaitza zehazteko. Ezarritako lehentasunen arabera irizpideak aplikatuko ditu, aurrekontu erabilgarriaren arabera, espediente bakoitza ezesteko kasuak zehaztuko ditu eta baietsitako espedienteetan agerian utziko du laguntza eskuratzeko betekizunak betetzen dituztela, organo instruktoarek ebazpen proposamena eman dezan.

16.6 Laguntzak emateko Kide Anitzeko Balorazio Organoko kideak ondokoak izango dira:

- Nekazaritza Garapenerako Zerbitzuaren burua.
- Laguntzen arloko teknikari bat, Nekazaritza Garapenerako Zerbitzuari atxikia.
- Idazkaritza Teknikoaren Zerbitzuaren burua.
- Administrazio Kudeaketaren Atalaren burua.

17. artikulua.- Ebaztea eta jakinaraztea.

17.1 Espedienteen ebazpen proposamena onartutakoan, foru organo eskudunak ebatziko ditu espedienteak, indarrean den araudiaren arabera.

Baldin ez badago kreditu nahikorik betekizunak betetzen dituzten espediente guztiei laguntzak emateko, honela jokatu da:



Lehenengo ebazpena emango da, eta bertan sartuko dira ezezkoa jaso duten espedienteak eta baiezkoa jaso duten espedienteak, gordetako kreditua agortu arte, aukeratze irizpideak ezarri ondoren lortutako lehenetsun ordenari jarraituz. Baiezkoa jaso duten gainerako espedienteak erreserban geratuko dira bigarren ebazpena eman arte, zeina beranduenik ere deialdia egin den urteko azken hiruhilekoan emango baita; ebazpen horrek deialdia behin betiko ebatziko du, eta laguntza esleituko die aurrerago ezarritako lehenetsun ordenaren arabera hala dagokien espedientei baldin kreditua gehitu bada, eta ukatu egingo zaie laguntza, krediturik ez badago.

Emandako ebazpenek amaiera emango diote administrazio bideari, eta haien aurka administrazioarekiko auzi errekurtsua aurkeztu ahal izango da Euskal Autonomia Erkidegoko Auzitegi Nagusian, indarrean den araudiaren arabera. Dena den, aukerako berraztertze errekurtsua ere jarri ahal izango da.

17.2 Administrazio publikoen administrazio prozedura erkidearen urriaren 1eko 39/2015 Legeak 21. artikuluan xedatutakoa betez, gehienez, sei hilabete izango da prozeduraren ebazpena eman eta jakinarazteko, eskabideak aurkezteko epea bukatzen denetik aurrera. Epe hori igarota berriazko ebazpena eman eta jakinarazi ez bada, administrazioaren isiltasunak eskabidea ezetsi dela esan nahiko du, 38/2003 Lege Orokorrak 25.5 artikuluan xedatutakoaren arabera (38/2003 Legea, azaroaren 17koa, Dirulaguntzen Orokorra).

17.3 Banan-banan jakinaraziko da laguntzaren ebazpena. Ebazpen horrek hauek jasoko ditu: emandako dirulaguntzaren zenbatekoa, Europak finantzatzen duen ehunekoa, lortutako puntuak, laguntza ordaintzeko era, onuradunaren baldintzak eta betebeharrak eta onuradunak zer konpromiso beregatzten duen.

18. artikulua.- Dirulaguntzak ordaintzea.

18.1 Laguntza bi tartetan ordainduko da

18.2 Lehenengo ordainketa emandako laguntzaren zenbateko osoaren bi hereni dagokie. Laguntza onartu ondoren eta onuradunak ordainketa egiteko eskatu ondoren ordainduko da. Ordainketa honek prima bakarraren izaera izango du, eta instalazioa amaitzen denean eta falta den herenaren edo falta den zenbatekoaren ordainketa izapidetzen denean justifikatuko da.

18.3 Falta den herenaren edo zenbatekoaren ordainketa gaztea tutoratzeko eta ustiatzean instalatzeko prozesua amaitzean ordainduko da, onuradunak ordainketa egiteko eskaera egin ondoren eta honako agiri hauek aurkeztu eta gero:

- Tutorearen ziurtagiria, laguntza eman ondoko 9 hilabeteetan enpresa plana abian jarri dela adierazten duena, eta instalatzen den pertsonak, instalazioaren ondoko 18 hilabeteetan, nekazari aktiboa izateko baldintza betetzen duela adierazten duena; enpresa planeko egintzak gauzatuak izan ahal izango ditu laguntza eskaera aurkeztu zuen unetik aurrera.



- Aldeko azken txostena, tutoreak egina.
- Onuradunak enpresa plana bete duela adierazten duen Gaztenek 2020 Balorazio Batzordearen balidazioa, benetan egin denarekin bat etorritz eta laguntza birkalkulatzearekin bat etorritz, hala balitz, 9.3.5 artikuluan ezarritakoaren arabera.
- Nekazaritza Sailaren ziurtagiria, 6.2 artikuluan ezarritako betekizunak betetzen direla ziurtatzen duena.
- Zerga betebeharrak eta Gizarte Segurantzarekiko betebeharrak betetzean egunean egotearen ziurtagiria.
- Egindako gastuen ziurtagiria, jatorrizko faktura eta konpultsatu beharreko kopia aurkeztuz. Faktura originala zigilu baten bidez kontrolatuko da, adierazten duena Aldundiak eta LGNEFek diruz lagundu dutela, hala balitz. Eta onuradunari itzuliko zaio. Justifikazioa faktura bidez aplikatzen ez den kasuetan, ziurtagiri egokiarekin egingo da.
- Faktura ordaindu izanaren egiaztapena, jatorrizko agirien bidez edo agiri konpultsatu hauen bidez: bankuko jatorrizko ziurtagiria, gutxienez transferentzia edo ordainketaren zenbatekoa, data eta onuraduna zehaztuta dituen; posta arruntez jasotako bankuko jatorrizko laburpenak, kasuan kasuko mugimenduak jaso dituen kontu korronteen libreten kopia konpultsatua edo bankuko laburpen elektronikoak, e-mailez jasotakoak, edo ordainketa edo transferentzia egin duen bankuaren zigiludun agindu telematikoak.
- Nolanahi ere, 2.500,00 eurotik gorako gastuak banku transferentziaren edo bankuko beste tituluren baten bidez frogatu behar dira, iruzurraren kontrako prebentzio ekintzei eta iruzurraren kontra borrokatzeko ekintzei buruzko urriaren 29ko 7/12 Legeko 7. artikuluan xedatuta dagoenaren arabera.

18.4 Laguntza kudeatzen duen organoak ordainketa eskaera eta onuradunak aurkeztutako agiriak aztertuko ditu, eta kontrol egokiak egin ondoren dirulaguntzarako onartutako eta justifikatutako zenbatekoa zehaztuko du, kasu bakoitzean egin beharreko murrizpenak aplikatzea gorabehera.

18.5 Lehenengo modulu edo tartean behar baino gehiago ordaintzen den laguntzaren zatiaren aldea (laguntzaren bi herenak) jasotzeko dagoen herenaren edo zenbatekoaren zatia ordainduz konpentsatu ahalko da, kalkulu berrien arabera; horretarako txosten tekniko bat baino ez da behar.

18.6 Laguntza hauek ordaintzeko baldintza izango da EAEko Administrazio Orokorrak eta bere erakunde autonomoek emandako izaera bereko laguntzen eta dirulaguntzen esparruan hasi den eta oraindik izapidetze bidean dagoen edozein itzulketa edo zehapen prozedura amaitzea.

18.7 Gaztea instalatzeko prozesua enpresa planean aurreikusitakoa baino lehen egiten bada, onuradunak eskatuta, eta Nekazaritza Sailak aurrekontu erabilgarririk badauka, laguntzaren azken



ordainketa aurreratu ahalko da, aldez aurretik aldeko txostena egiten bada, hartutako konpromisoak eta betekizunak justifikatzen badira, eta ebazpen egokia ematen bada.

19. artikulua.- Laguntzen onuradunen betekizun orokorrak.

Oro har, laguntzen onuradunek honako betebeharrak izango dituzte:

19.1 Emandako dirulaguntza onartzea eta eman zaien erabilera zehatzerako baliatzea, emakidaren ebazpenean ezarritako baldintzak betez. Laguntzaren emakidaren jakinarazpena jasotzen duenetik hamar asteguneko epean onuradunak ez badio dirulaguntzari berariaz eta idatziz uko egiten, onartu egin duela ulertuko da.

19.2 Enpresa planaren garapena ezarritako epeetan egitea.

19.3 Gaztenek 2020 Balorazio Batzordeari, Arabako Foru Aldundiko Nekazaritza Sailari eta Ogasun eta Finantza Sailari, Euskal Autonomia Erkidegoaren Erakunde Ordaintzailearen organo eskudunei, Herri Kontuen Euskal Epaitegiari eta Europar Batasunaren organo eskudunei beren funtzioak betez eskatzen dioten informazioa emango die, foru dekretu honen kontura jasotako dirulaguntzari dagokionez; bereziki, ustiategiaren alderdi tekniko eta ekonomikoei, lanekoei, zergeri eta alderdi sozialei buruzko informazioa eman beharko du.

19.4 Finantza-zerbitzuen izaera publikoari publizitate egokia ematea, kasu bakoitzean aplikatu behar diren arau komunitarioetan eta beraiek garatzen edo trasposatzen dituzten arau nazionaletan arau ezarritako terminoetan.

19.5 Administratiboki zein tokian bertan beharrezko kontrolak egitea ahalbidetu, honako hauek egiaztatzeko: laguntza behar bezala eman eta garatzen ari dela, enpresa plana egoki gauzatzen ari dela eta ondoren konpromisoei bost urtez eusten zaiela.

19.6 Gordeta edukitzea jasotako laguntzak zertan erabili diren egiaztatzen duten agiriak, agiri elektronikoak barne, egiaztatuak eta kontrolatuak izan baitaitezke.

20. artikulua.- Ezarritako betebeharrak eta konpromisoak ez betetzea.

20.1 Onuradunak foru dekretu honetan ezarritako betebeharrak eta konpromisoak ez betetzea edo nahitaezko baldintzak bete gabe dirulaguntza hori eskuratzea emandako laguntza jasotzeko eskubidea galtzeko arrazoi izango da; gainera, dirurik jaso badu, onuraduna behartuta egongo da diru hori Arabako Foru Ogasunari itzultzera, aplikatu beharreko legezko interesekin batera. Horrez gainera, bidezkoak diren akzioak egikaritu ahal izango dira, Arabako Lurralde Historikoaren dirulaguntzen urriaren 19ko 11/2016 Foru Arauak xedatutakoaren arabera, eta itzulketa osoa edo partziala edo gutxipena laguntza aplikatzeko araudiak ezartzen dituen kasuetan.

20.2 Era berean, hasieran lortutako puntuazioa birkalkulatzaren ondorioz jasotako laguntzaren zati egokia itzuli beharko da, Gaztenek 2020 Balorazio Batzordeak egina, 9.3.3 artikuluaaren arabera.



20.3 Diru zenbateko horiek zuzenbide publikoko diru sarreratzat joko dira legezko ondorioetarako.

20.4 Itzulketa osoa edo partziala Nekazaritza Sailaren foru aginduaren bidez zehaztuko da, itzulketa proposamenaren txostena ikusita, ikuskapena edo kontrola egitearen ondorioz, eta onuradunari entzunaldia eman ondoren.

20.5. Dirulaguntza osoa edo zati bat itzultzeko prozeduraz gainera, zehapen prozedura abiarazi ahal izango da, Arabako Lurralde Historikoaren dirulaguntzen urriaren 19ko 11/2016 Foru Arauak aurreikusitako arau hausteengatik.

20.6 Hartutako konpromisoen ez betetzerik ez dagoela ulertuko da baldin eta ez betetzea ezinbesteko baten ondorio edo inguruabar berezien ondorio bada, adibidez:

- Ekoizlea hiltzea edo luzaroan lanbiderako ezinduta egotea.
- Ustiategiko nekazaritza lurretan eragin handia izan duen hondamendi natural larria gertatzea.
- Ustiategiko eraikinak istripuz hondatzea.
- Ustiategiko azienda osoari edo zati bati erasaten dion epizootiaren bat.

Onuradunak ezinbesteko kausen edo salbuespenezko inguruabarren berri jakinaraziko die agintari eskumendunei.

21. artikulua.- Lege araubidea.

Foru dekretu honetan adierazitako dirulaguntzen onuradunak Arabako Lurralde Historikoaren Dirulaguntzei buruzko urriaren 19ko 11/2016 Foru Arauan, Dirulaguntzei buruzko azaroaren 17ko 38/2003 Lege Orokorrean, uztailaren 21eko 887/2006 Errege Dekretuak hura aplikatzeko onartu zuen Erregelamenduan eta Europako, estatuko eta autonomia erkidegoko arau aplikagarrietan xedatutakoaren mende egongo dira. Horiek horrela, behartuta egongo dira Ogasun, Finantza eta Aurrekontu Sailak, Euskal Autonomia Erkidegoko erakunde ordaintzaileak, Euskal Kontuen Epaitegiak edo eskumena duten organoek eskatzen dizkieten agiriak aurkeztera, halaxe xedatzen baitu aipatutako foru arauak 8 i) artikuluan.

22. artikulua.- Bateragarritasuna beste laguntza eta jarduera batzuekin.

22.1 Nekazari gazteek enpresak sortzeko laguntza: foru dekretu honetan garatzen den gazteen lehenengo instalazioa bateraezina izango da helburu eta xede berberetarako beste entitate publiko edo pribatu batzuek ematen duten beste edozein laguntza publikorekin, salbu eta Batasunaren, estatuaren, Euskal Autonomia Europako Batasunaren edo Aldundiaren araudian eta Euskal Autonomia Erkidegoaren 2015-2020 Landa Garapeneko Programan hala aurreikusten bada.



22.2 Laguntza hau eskatzen duten nekazari gazteek M04.1 neurria, "Nekazaritza ustiattegietako inbertsioetarako laguntza" neurrirako laguntza eskatu ahalko dute beren enpresa plana garatzeko; laguntza hori gaztea instalatu nahi den ustiategiari emango zaio.

22.3 M04.1 neurriaren oinarri arautzaileetan, ustiategi batean instalatu nahi den gazteak neurri horren onuradun izateko bete behar dituen baldintzak ezartzen dira.

22.4 Nekazari gazteek enpresak sortzeko laguntza: foru dekretu honetan aipatzen den lehenengo instalazioa, konpromisoak bete eta mantendu behar diren denbora osoan, nahitaezko presentzia exijitzen duten ikasketa arautuak egitearekin bateraezina da.

23. artikulua.- Laguntzaren finantzaketa.

23.1 Dekretu honetan azaltzen den laguntzarako bideratzen diren baliabide ekonomikoak Arabako Foru Aldundiko Nekazaritza Sailaren eta LGENF Batasunaren funtsaren aurrekontu kredituetatik etorriko dira % 80an. Arabako Foru Aldundiaren Nekazaritza Sailak finantzatutako dirulaguntzaren zatiaren mugak deialdi bakoitzean finkatuko dira.

23.2 Laguntza lerro honi atxikitako espedienteetakoren baten laguntzak ez badauka aurreikusitako baterako finantzaketa komunitariorik, estatu mailako laguntzat joko da. Kasu horretan, laguntza horiek Arabako Foru Aldundiko Nekazaritza Sailaren aurrekontu kredituen bidez finantzatuko dira osorik.

23.3 Arabako Foru Aldundiak laguntzaren guztizko zenbatekoa ordainduko dio onuradunari, LGENFk finantzatutako zatia, bai Arabako Foru Aldundiak berak finantzatutako zatia. LGENFak ordaindu beharreko dirulaguntza zatia Arabako Foru Aldundiak ordainduko du bere erakunde ordaintzailearen bidez. Ordaindu beharreko zenbateko horiek Nekazaritza Sailaren aurrekontu partidetan sartuko dira edo sail horren izenean horretarako irekitako kontuan. Zenbateko horiek onuradunari ordaindu beharrekoa ordaintzea ziurtatzea da helburua.



I. ERANSKINA

Foru dekretu honen ondorioetarako, definizio hauek aplikatuko dira:

“Nekazaritzako jarduera”: nekazaritza, abeltzaintza eta basogintzako produktuak lortzeko egiten diren lanen multzoa.

Era berean, nekazaritzako jarduera izango da nekazariak ekoizpen propioa zuzenean saltzea, transformatu gabe, edo ekoizpenaren lehenengo transformazioa saltzea, baldin eta azken produktua Europar Batasunaren funtzionamenduaren Itunaren 38. artikuluko I. eranskinaren barruan badago, ustiatagia osatzen duten elementuen barruan, udal merkatuetan edo establezimendu komertzial iraunkorrek ez diren lekuetan; halaber, ustiatagiaren kudeaketa edo zuzendaritza eta gerentzia dakarren jarduera oro izango da.

“Nekazari aktiboa”: nekazari aktiboa izango da abenduaren 19ko 1075/2014 Errege Dekretuak, 2015. urtetik aurrera nekazaritzarako eta abeltzaintzarako zuzeneko ordainketak eta beste laguntza araubide batzuk aplikatzeari buruzkoak eta zuzeneko ordainketak eta landa garapenerako ordainketak kudeatzeari eta kontrolatzeari buruzkoak, 8. artikuluan eta hurrengoetan ezarritako betekizunak betetzen dituen oro.

“Nagusiki nekazaria izatea”: nekazaritza ustiatagi baten titularra den pertsona fisikoa da, baldin eta, gutxienez, errenta guztiaren ehuneko berrogeita hamar bere ustiatagian egindako nekazaritza jarduerarekin lortzen badu eta ustiatagiarekin zuzeneko zerikusia duten jardueretara bideratzen duen lan denbora, urtean, nekazaritza lanaren unitateekin bat etorritik, lanerako denbora osoaren erdia edo gehiago bada.

Era berean, Gizarte Segurantzaren Nekazaritzako Araubide Berezian alta hartuta egon beharko da, bere kontura edo besteren konturako edo autonomoen Langileen Araubide Berezian, kasuetako edozeinetan, nekazaritza jardueraren arabera.

Ondorio horietarako, pertsona batek urte betean nekazaritza jarduerari dedikatutako denbora 1.800 ordukoa izango da (8 lan ordu eta 225 lan egun), Batzordearen (EB) 2015eko abuztuaren 13ko 2015/1391 Arautegiak, Europar Legebiltzarraren eta Kontseiluaren 1166/2008 Arautegia (EE) aplikatzen duen 1200/2009 Arautegia (EE) aldatu zuenak, II. eranskinen ezarritakoaren arabera, nekazaritza ustiatagien egiturari buruzko inkestaren gainekoa eta nekazaritza ekoizpeneko metodoei buruzko inkestaren gainekoa. Urteko Lan Unitatea lantze osoaren lan baliokidea da.

“Nekazari gaztea”: eskabidea egiteko unean hamazortzi urte beteta dituen eta berrogeita bat bete ez dituen pertsona, nekazaritzako gaikuntza edota prestakuntza egokiak badauzka edo denboraldi jakin batean lortzen dituen, eta nekazaritza ustiatagi batean lehen aldiz titular gisa jartzen dena.

“Nekazaritzako kooperatiba”: nekazaritza, basogintza eta abeltzaintza ustiatagietako edo ustiatagi mistoetako titularrak bazkide dituzten kooperatibak, baldin eta helburu hauetakoren bat badute: edo



hornidurak, ekoizpen ekipamenduak eta zerbitzuak merkaturatzea edo ematea, edo bazkideen ustiategiak, haien elementu edo osagaiak, kooperatiba bera edo landa inguruneko bizimodua edozein arlotan edo alderdi sozioekonomikoan hobetzeko lanak egitea.

“LEUK”: lurraren edota abereen erkidego ustiapenerako kooperatiba. Kooperatiba horretako kideak dira nekazaritza eta abeltzaintzako ustiapenerako balio duten lurak edo beste ondasun higiezin nahiz abereei lotutako ondasun batzuk erabili eta aprobetxatzeko eskubideen titularrak; izan ere, titular horiek kooperatibari lagatzen dizkiete aipatutako eskubideak eta bertan lan egin dezakete edo ez. Beste pertsona fisiko batzuk ere badira kooperatibako kide; bertan lan egiten dute baina ondasunez baliatzeko eskubideak kooperatibari laga gabe, eta horrela kideek lagatutako ondasunak eta kooperatibak edozein titulu dela medio dituen gainerako ondasunak batera ustiatzen dituzte.

“Zirkuitu laburrak”: ekoizlearen eta kontsumitzailearen artean bitartekari bat baino gehiago ez dagoen nekazaritza produktuen salmenta. **“NMEK”**: Euskadiko kooperatibei buruzko ekainaren 24ko 4/1993 Legeak nekazaritza ustiategi modura sailkatzeko ezartzen dituen betebeharrak betetzen dituen kooperatiba. Haren xedea da nekazaritzarako erabiliko diren makina edo ekipamenduak erosi eta batera erabiltzea.

“Lan elkartuko kooperatiba edo ekoizpen kooperatiba”: hirugarrenentzako ondasun edo zerbitzuen ekoizpena batera antolatuta bazkideei lanaldi partzialeko edo osoko lanpostuak ematea xede duen kooperatiba.

“Ustiategiko elementuak”: landa ondasun higiezinak eta nekazaritzako aprobetxamendu iraunkorrerako diren bestelako guztiak, hala nola: nekazaritzarako eraikinak eta instalazioak, industriarako badira ere; ustiategian integratutako eta hari lotutako azindak, makinak eta lanabesak, baldin eta beraien aprobetxamendua eta erabilera titularrari badagozkio, bai jabea delako, bai alokatuta dituelako, bai erabilera edo gozamen eskubideak dituelako edo besterik gabe jabeak hala uzten diolako. Era berean, “ustiategiko elementu” dira ustiategiaren titularrari dagozkion eskubide eta betebeharrak, baldin eta horiek titularraren ustiategiari lotutakoak badira.

“Nekazaritzako ustiategia”: titularrak nekazaritza jardueran enpresa modura antolatutako ondasun eta eskubide antolatuen multzoa da. Merkataritza helburuak ditu nagusi, eta unitate tekniko eta ekonomikoa osatzen du.

“Titulartasun partekatuko nekazaritzako ustiategia”: ezkontzaz edo antzeko harreman afektiboen bidez lotutako bi pertsonak nekazaritzako ustiategi bat elkarrekin kudeatzeko osatzen duten unitate ekonomikoa, nortasun juridikorik gabekoa eta zergapetu daitekeena. Nekazaritza ustiategiaren titularrek, titulartasun partekatua daukatenean, Gizarte Segurantzaren alta hartuta egon behar dute, nekazaritza jarduera egin behar dute, eta zuzenean jardun jarduera horretan, uztailaren 4ko 19/1995 Legean azaltzen den moduan, eta ustiategia dagoen landa eremu berean bizi.

Nekazaritza ustiategian jabetza partekatua lege ondorio guztiak izan ditzan, ezinbestekoa izango da aldeaz aurretik Arabako Lurralde Historikoko Ustiategiaren Erregistroan inskribatuta egotea.



“Ustiategiaren marjina gordina”: ustiategi bakoitzeko, jarduera baten marjina gordina kalkulatzeko ondoko hauek biderkatzen dira: haren dimentsio fisikoa, hektareak edo abelburuak (kasuaren arabera), batetik, eta marjina gordin estandar egokia edo koefiziente egokia, bestetik. Ustiategiko jarduera guztien marjina gordinen batura ustiategiaren marjina gordin osoa da.

Marjina gordin teorikoa kalkulatzeko, Garapen Ekonomikoko eta Lehiakortasuneko Sailaren 2016ko martxoaren 31ko Aginduan xedatutakoa bete behar da. Bertan hainbat laboreren marjina gordinak, nekazaritzako lan unitateak zehazteko modulu objektiboak, eta Euskal Autonomia Erkidegoko nekazaritza ustiategietako gastu finkoen koefizienteak ezartzen dira.

Ustiategiaren marjina gordin erreala jasotako dirusarreraren datuen arabera zehaztu ahalko da, nekazaritzako ekoizpen jardueren fakturen bitartez dokumentaturik; horietatik hazien, fitosanitarioen, ongarrien, labore eta pentsuen aseguruaren eta berokuntzaren, bazkaren, albaitari gastuen, eta oheen zuzeneko gastuak eta kasuan kasuko ganaduaren zuzeneko beste gastu batzuk kenduko dira.

Kontratutako edo bertako lanekuaren gastuak eta makinariaren edo kanpo lanen kontratazioa ez dira inola ere aintzat hartuko.

“Ustiategiaren marjina garbia” hauen arteko aldea izango da: ekoizpen jarduera guztietatik eratorritako ustiategiko dirusarrerak, ustiategiaren dirulaguntzak barne, eta ustiategiaren gastu finko eta aldagarri guztiak, salbu eta kapital propioen eta familiako lan eskuaren ordainketari dagozkienak.

Enpresa plana egitean marjina garbia kalkulatzeko, Ekonomiaren Garapen eta Lehiakortasun Sailaren 2013ko ekainaren 18ko Aginduan xedatutakoa bete behar da. Han, hainbat laboreren marjina gordinak, nekazaritzako lan unitateak (NLU) zehazteko modulu objektiboak, eta Euskal Autonomia Erkidegoko nekazaritza ustiategietako gastu finkoen koefizienteak ezartzen dira.

Ustiategiaren marjina garbi erreala datu fiskalekin zehaztu ahalko da, edo agiri bidez frogatzen diren kontabilitate idaztoharretan oinarritutako datuekin, nekazaritzako ekoizpen jardueretatik jasotako dirusarrerei dagozkienak; horietatik hazien, fitosanitarioen, ongarrien, labore eta pentsuen aseguruaren eta berokuntzaren, bazkaren, albaitari gastuen, eta oheen zuzeneko gastuak eta kasuan kasuko ganaduaren zuzeneko beste gastu batzuk kenduko dira.

Kontuan izango dira NPBren lehenengo nahiz bigarren zutabearen barruan sartzen diren dirulaguntzak.

“Mikroenpresak eta enpresa txikiak”, Europako Batzordearen arabera, honela definitzen dira:

Mikroenpresa: 10 langile baino gutxiago dituena, 2 milioi euro baino gehiagoko urteko negozio bolumena edo urteko balantze orokorra ez badauka. Enpresa txikia: 50 langile baino gutxiago dituena, 10 milioi euro baino gehiagoko urteko negozio bolumena edo urteko balantze orokorra ez badauka.



“Ekoizpen estandarreko potentziala”: ekoizpen gordinaren moneta balioa da, ustiategiaren irteera prezioan, BEZa, produktuen gaineko zergak eta zuzeneko ordainketak kontuan izan gabe.

“Ustiategiaren ekoizpen estandar osoa”: kalkulatzeko den ezaugarri bakoitzerako lortutako balioen batura izango da; batura hori kalkulatzeko, unitate bakoitzaren ekoizpen estandarrek unitate kopuruarekin biderkatuko dira.

Ekoizpen estandarra definitzeko eta kalkulatzeko, hau beteko da:

- a) Nekazaritza ezaugarri baten ekoizpena hau izango da: ekoizpen gordinaren moneta balioa, ustiategitik irteten den prezioan.
- b) Ekoizpena hau izango da: produktu nagusiaren edo nagusien balioaren eta produktu sekundarioaren edo sekundarioen balioaren batura. Balioak kalkulatzeko, unitate bakoitzeko ekoizpena eta ustiategiko irteera prezioa biderkatuko dira, BEZa, produktuen gaineko zergak eta zuzeneko ordainketak kontuan izan gabe.

Ekoizpen estandar osoa instalazioa amaitzean egiaztatuko da, ekoizpen estandarren arabera, eta ustiategiko nekazaritza produktuen urteko salmentengatik izandako dirusarreraren arabera justifikatuko da, fakturazioaren arabera edota laguntza eskatzen edo jasotzen duenaren zerga aitortpenaren arabera, egiten dituen nekazaritza jarduerengatik, salmenten eta dirusarreraren aitortpenak kontuan izanik.

“Erreferentziako errenta”: nekazaritzakoak ez diren langileen urteko batez besteko soldata gordina, Nekazaritza, Elikadura eta Ingurumen Ministerioak 19/1995 Legea, nekazaritza ustiategiak modernizatzeari buruzkoa, aplikatuz urtero finkatzen duena.

“Ustiategiaren titularraren errenta osoa”: ustiategiaren titularrak azken ekitaldian zerga aitortpenean aitortutakoa da. Aitortutako horretatik ez dira kontuan hartuko, ez ondare areagotzeak, ez urritzeak.

Hori dela eta ustiategiaren titularrari hauexek egotziko zaizkio:

- Nekazaritza jardueren errenta, etekin garbiari ekitaldian kendutako amortizazioko zuzkidurak batuz.

Nekazaritzako jardueraren errentatzat joko dira, halaber, jarduera horrekin zerikusia duten laguntzak eta dirulaguntzak, nekazaritzako produktuen prezioak konpentsatzeko funtsetatik datozenak, eta nekazaritzako ekoizpena xede nagusi duten kooperatibetako edo merkataritza sozietateetako bazkideek jasotzen dituzten soldatak.

- Bestelako enpresa jarduera edo jarduera profesioaletatik eratorritako errentak eta ustiategitik kanpo egindako lanetik eratorritako errentak, zergak direla-eta aitortu behar diren pentsioak eta sarrera pasiboak barne.



- Kapital higigarriaren eta higiezinaren errenta egozgarrien % 50, irabazpidezko ondasunen araubidearen kasuan, eta errenta pribatiboen % 100.

Gaztea elkarte baten bidez sartzen bada nekazaritza jardueran, errenta osoak zehazteko ondorioetarako banaka eskuratutakoak eta elkartean parte hartzeagatik eskuratutakoak (elkarteko partaidetza portzentajearen arabera eta horrek bere azken zerga aitortpen formalizatuan aitortutako etekin guztien arabera) izango dira kontuan.

“Nekazaritzako lan unitatea (NLU)”: pertsona batek urtebetean lanaldi osoan egin dezakeen nekazari lana. Hasierako eta bukaerako NLUak kalkulatzeko orduan, Eusko Jaurlaritzako Garapen Ekonomikoko eta Lehiakortasuneko Sailaren 2013ko uztailaren 18ko Aginduan xedatutakoa bete beharko da.

“Ustiategiaren titularra”: nekazari lanetan diharduen pertsona fisikoa (titular bakarra zein beste batzuekin batera), erregistro egokian izena emanda dagoena, edo pertsona juridikoa, ustiategiko ondasunak eta eskubideak enpresa irizpideen arabera antolatzen dituen eta ustiategia kudeatzeak dituen arriskuak eta erantzukizun zibil, fiskal eta sozialak bere gain hartzen dituen.

“Azienda larriko unitatea (ALU)”: nekazaritza ustiategi bateko abere zama, azienda larriko unitateetan (ALU).

Abere zama hori kalkulatzeko, dekretu honetako laguntza guztien ondorioetarako, baliokidetasun taula hau erabiliko da:

Zezenak, behiak eta 2 urte baino gehiago duten bestelako behi aziendak: ALU=1

Sei hilabete baino gehiagoko ekidoak: ALU=1

6 hilabete eta 2 urte bitarteko behi aziendak: ALU=0,6

6 hilabete baino gutxiagoko behi aziendak: ALU=0,4

12 hilabetetik gorako ardiak eta ahuntzak: ALU=0,15



II. ERANSKINA

Eskaera egileak eta, egotekotan, dagokion ustiategiak aurkeztu beharreko dokumentazioa.

Laguntza eskatzen duen pertsonak ondoko dokumentazioa aurkeztu beharko du epe eta forma egokietan:

1. Inprimaki normalizatua, behar bezala beteta eta izenpetuta.
2. NANaren fotokopia.
3. Lan bizitzaren txostena.
4. Erantzukizunpeko aitortpena, adierazten duena nekazaritza ustiategi baten titularra den eta izaera juridikoa duen elkarte baten titularra, titular kidea edo bazkidea ez dela inoiz izan, eta horrelako elkarteren baten bidez ez duela gauzatu ustiategiaren benetako kontrola.
5. Erantzukizunpeko aitortpena, adierazten duena, ustiategi baten titularra izan bada, ez duela ustiategi horren benetako kontrola eduki.
6. Erantzukizunpeko aitortpena, adierazten duena, ustiategi baten titularra izan bada, ustiategi horrek ez dituela gainditzen oinarri hauetan ezarritako mugak.
7. Hirugarrenei alta emateko fitxa.
8. Zerga betebeharrak eta Gizarte Segurantzarekiko betebeharrak egunean edukitzearen ziurtagiria edo, bestela, laguntza kudeatzen duen organoak datuak eskatu ahal izateko baimena.
9. Eskabidea egiteko unean lan gaitasuna eta eskumena izatea ziurtatzea, izatekotan, edo bestela, laguntza arautzen duten oinarrietan ezarritako epeetan gaitasuna eta eskumena eskuratzeko konpromisoa.
10. Ustiategirako enpresa plana, laguntza arautzen duten oinarri hauen 7. artikuluaaren arabera.
11. Laguntza arautzen duten oinarrien arabera eskaera egileak hartutako konpromisoak betetzeko konpromisoa duela frogatzen duen agiria.

Gaztea alde zurretik dagoen elkarte ustiategi batean instalatzekoa bada, aipatutako agiriez gain:



1. Sartu den ustiategiko kideen baimena bazkideetako bakoitzari buruz behar den informazio pertsonala biltzeko, laguntza izapidetzean erabili ahal izateko.
2. Ustiategiaren konpromisoa, gaztea instalatzen amaitzean gobernu organoko kide izan dadin eta partaidetza handiena duen bazkidearen adinako kapital soziala edo handiagoa eduki dezan.
3. Ustiategien Erregistroaren ustiapen fitxa.
4. Sartu den elkartearen baimena, makinaren, azientzaren eta ustiategien erregistro ofizialetan beharrezkoa den informazio guztia biltzeko, eta Gizarte Segurantzaren Diruzaintzari eta Arabako Foru Ogasunari beharrezkoak diren ziurtagiriak eta informazioa eskatu ahal izateko, espedientea ebatzeko beharrezkoak badira.
5. Ustiategiak, enpresak sortzeko nekazari gazteentzako laguntza eskatzen duen gazte bat bertan sartzerakoan, hartzen dituen konpromisoen agiria.
6. Ustiategiaren NANaren edo IFKaren fotokopia.
7. Eraketaren eskritura publiko eguneratua eta kopia bat, konpultsatzeko.
8. Pertsona juridikoaren estatutuak eta horien kopia, konpultsatzeko.
9. Bazkideen izenen zerrenda, bazkide bakoitzaren kapital soziala, eta bakoitzaren partaidetzaren portzentajea.
10. Artezkaritza Kontseiluaren osaera.
11. Ustiategiko soldatapeko langileen kopurua.
12. Bidezkoa denean, bazkide langileen 10-T agiria.
13. Gainerako soldatapeko lana frogatzea, balego, azken urte edo kanpainako gizarte segurantzako kotizazioen ordainketaren ziurtagirien bidez.
14. Hala dagokion kasuan, aurkeztutako sozietateen zergaren aitopenen kopia, entitate sortu berriek izan ezean, betiere aipatutako zergak likidatzeko legezko epea igaro ez bada.
15. Gizarte Segurantzarekiko betebeharrak beteta izatearen eta pertsona juridikoaren (eta, bidezkoa balitz, haren bazkideen) zerga betebeharrak beteta izatearen ziurtagiria.

Eskatzaileak Nekazaritza Saila eskuordetu dezake zerbitzu egokiei 14. eta 15. puntuetan aipatutako ziurtagiriak eta agiriak eskatzeko.
16. Beste erakunde publiko edo pribatu batzuei helburu eta xede berberetarako laguntza eskatu ez izanaren erantzukizunpeko aitopena



17. Ustiategiaren emaitzen kontua.
18. Gaztea ustiategian onartzeko erabakiaren ziurtagiria.
19. Jaraunspenezko erkidegoei dagokienez, indibisio ituna, gutxienez, 6 urtekoa, eskabidea aurkezten den egunetik aurrerakoa. Elkarteko kide guztiek sinatu beharko dute ituna.
20. Bidezkoa bada, ustiategiaren titularra den elkartearen (edo bertan sartu den gaztearen) konpromisoa, ondoko ekoizpen ereduetakoren bat erabiliko duela adierazten duena:
 - Ekoizpen ekologiko egiaztatua.
 - Ekoizpen integratua
 - nekazaritza ekoizpena, ustiategian transformatzeko
 - Nekazaritza ekoizpena zirkuitu laburren bitartez merkaturatzeko
 - Laborantza estentsiboko ekoizpena, ureztatze sisteman (gutxienez 5 hektarea).